

# Kerajaan siasat bangunan dibina tanpa paku

Oleh Hussain Said

**K**UALA PILAH: Kerajaan Negeri Sembilan akan menjalankan kajian bagi mendapatkan kesahihan kemungkinan Muzium Diraja Istana Lama Seri Menanti, dekat sini adalah bangunan tertinggi di dunia yang dibina tanpa menggunakan paku.

Menteri Besar, Datuk Seri Mohamad Hasan, berkata kajian terhadap bangunan setinggi 19.9 meter itu termasuk mendapatkan khidmat pakar berka-itan, membolehkannya diiktiraf dan dicatatkan dalam Guinness Book of World Records.

Beliau berkata, sekiranya bangunan yang dibina pada 1902 dan siap pada 1908 itu diiktiraf, ia akan memudahkan usaha mempromosikannya di seluruh

BA - 09/07/2007  
dunia dan menarik lebih ramai pelancong.

"Kehebatan tukang Melayu dulu jelas terpancar daripada seni bina kayu yang tiada tolok bandingnya dalam pembinaan bangunan istana ini. Ia bukan saja dibina tanpa sebatang paku tetapi ukirannya sangat unik terutama di anjung serambi dan tiang.

"Ukiran dan motif itu mempunyai makna dan simbolik yang tersendiri seperti lambai-lambai, awan bera-rak, bunga tampuk manggis, bunga semantong dan gunung-gunung hingga mampu mengagumkan sesiapa saja yang datang melihatnya," katanya.

Beliau berkata demikian sempena perasmian Pesta Persukuan Adat Perpatih dan Masakan Tradisional Negeri Sembilan 2007 di pekarangan



**“**Kehebatan tukang Melayu dulu jelas terpancar daripada seni bina kayu dalam pembinaan bangunan istana ini. Ia bukan saja dibina tanpa paku tetapi ukirannya sangat unik”

**Mohamad Hasan**  
Menteri Besar Negeri Sembilan

Muzium Diraja Istana Lama Seri Menanti, dekat sini malam kelmarin.

Pesta kali ke-8 yang dianjurkan oleh Lembaga Muzium Negeri Sembilan (LMNS) itu disempurnakan oleh Yang di-Pertuan Besar Negeri Sembilan, Tuanku Ja'afar Tuanku Abdul Rahman.

Mohamad berkata, kerajaan negeri memberi jaminan akan terus memulihara dan membaik pulih Muzium Diraja Istana Lama Seri Menanti bagi memastikan bangunan itu kekal menjadi warisan sejarah negeri dan negara.

"Sejarah adalah lambang peradaban sesuatu bangsa. Jadi, istana ini cukup signifikan sebagai payung yang menaungi kesuburan Adat Perpatih yang menjadi amalan rakyat negeri ini," katanya. //